

Ohppiide ja ovddasteddjide

Diedut boahku birra bárkodávdda, spiidneboahku, ja ruksesboahkuid vuostá (MMR-boahku)

Nationála mánáidboahkuhanprográmmas fálojuvvojit 6. luohká ohppiide (11–12 jáhkásaččaide) odasmahttinboahku virusdávddaid bárkodávdda, spiidneboahku ja ruksesboahkuid vuostá (MMR-boahku). Vuosttaš boahku addojuvvo dábálaččat go mánná lea 15 mánnosaš. Bisuhan dihte buori suodjaleami fálojuvvo dál odasmahttinboahku.

Dávddaid birra

Mánnádávddain lea bárkodávda duođalaččamus ja eanemus njoammu. Dávda álgá nuorvodávdamearkkaiguin ja alla feberiin, ja dan maŋŋá boahká rušmmasteapmi. Bárkodávdda maŋŋá bohtet dávjá váttisvuodaid, nugo geahpesvuolši, bronkihtta ja bealljevuolši. Duođalaš váikkuhusat vuoiŋnamašvuolši (encefalitt), bistevas vuoiŋnamašvihki ja jápmin gávdnojit boahkukeahkes olbmui maiddái min oasis máilmmis.

Spiidneboahku dagaha febera ja bohtteha nierračolgarávssáid. Dábálaččamus váttisvuohka lea spiidneboahkkovuolši (meningihtta), mii dávjá nohká almmá bistevas vahágiid haga. Duođalet váttisvuohka lea bistevas bealjuhuvvan. Jus bártne ožžot spiidneboahku pubertehta maŋŋá, sáhtá virus fallehit bálluidda ja hedjonahttit sahkanahhtima.

Ruksesboahkut lea geahppa dávda mas lea feber ja rušmmasteapmi. Jus áhpehis nissonolbmui gii ii leat immuvdna njommot ruksesboahkut, de sáhtá dat vahagahttit ogi. Riska ahte šaddá liitománná lea badjel 80 % jus buohká áhpehisvuoda álgooasis. Go mánáid boahkuha, eastada njoammuma áhpehis nissoniidda.

Boahku birra

Boahku mii geavahuvvo lea Priorix, ja dat sisttisdoallá ealli, láivuduvvon virusiid. MMR-boahku dábáleamos liigeváikkuhusat leat bákčasat mat eai bister, ruvssodeapmi ja bohtaneapmi čuggensajis. Ovtta dahje guokte vahku maŋŋá boahkuheami sáhttet muhtin mánát oažžut geahppa dávdamearkkaid dan dávddas man vuostá boahkuheapmi suodjala, muhto dat lea hárve sin gaskkas geat leat ovdal ožžon ovtta boahku. Dábálaččamus leat feber ja rušmmasteapmi. Eanet diedut Priorix sisdoalu ávdnasiid ja vejolaš liigeváikkuhusaid birra gávdnojit Direktoráhta medisiinnalaš buktagiid neahttasiidduin: [Legemiddelsøk](#) (girjedárogiillii).

Ovdal boahkuheami – muite diedihit dearvvašvuodabuohccedivššárii

Diedit jus mánás lea immuvdnaváilevuohka dahje jus son geavaha dálkasiid mat váikkuhit vuostálastinnákii dávddaid vuostá. Diedit maiddái jus mánás lea allergiija dahje lea ovdal leamaš garra allergalaš reakšuvdna (beroškeahhtá mii lea sivvan dasa). Jus mánná oažžu allergiijaboahkuheami (hyposensibiliseren) dahje lea ožžon eará boahku maŋimuš njeallje vahku, diedit dearvvašvuodabuohccedivššárii. Eanet diedut gávdnojit neahttasiidduin: [Vaksine mot meslinger, kuma og røde hunder \(MMR-vaksine\)](#) (girjedárogiillii).

Boahkuide mat leat mánáidboahkuhanprográmmas, leat doarvái ahte okta váhnemiin dahje eará olmmoš geas lea váhnenovddasvástádus miehtá ([Lov om pasient- og brukerrettigheter §4-4](#)).

Eanet diedut mánáidboahkuhanprográmma birra: [Vaksiner til barn](#) (girjedárogiillii).